

21. 11. 1867

**CAROLO ALOYSIO MORICHINIO**

*Viro Clarissimo et Eminentissimo*

**AESINATUM ARTISTITTI**

**Die Natali Servatoris Nostri Redeunte**

*Pacificus Manganelius ex Massatio*

**GRATI ET OBSEQUENTIS ANIMI CAUSSA**

**HAEC CARMINA.**

**M DCCCLVII**

Digitized by the Internet Archive  
in 2016

<https://archive.org/details/caroloalloysiomor00mang>



**TE Viri, ite modo, o versus, ante ora verendi,  
Qui sacro fulget murice Romulidum.**

**Ite modo, o versus; nostri et benefacta tenentis**

**Pergratos sensus promite vos animi.**

**Non jam vos nimis incultos nihilumque politos.**

**Quamquam Is permulto sanctus honore micat,**

**Despiciens tumidus parvorum carmina satum,**

**In breve, nec lectos, coget, et abjiciet.**

**Is suavis, comis, omnigenâ versatus et arte;**

**Seu vates dicet carmina dulcisonus,**

**Seu doctor sacri pandat mysteria Libri,**

**Quem jam inspiratâ mente animoque sacri**

**Mandarunt genti, mansurum in saecula, Patres:**

**Haurit doctrinae ex quo sibi divitias.**

**Illius egregias virtutes claraque facta**

**Vindelicus quondam visit et obstupuit.**

**Haec propter Princeps, qui in Tybri regnat, ab orâ**

**Externâ claro laude novâ patrias**

**Ad sedes remeanti addit lumenque decusque,**

**Conspicuis prudens Patribus adnumerans.**

**O Aesina Urbs felix! o terque quaterque beata!**

**Hunc tibi Pastorem contigit excipere.**

**Te regit Is blandus semper, moderamine in omni**

**Virtutis custos Justitiaeque tenax.**

**Ille studet toto populis e pectore sanctos**

**Sollicitus mores composuisse suis:**



*Sive illis extet veri rectique suador  
    Ingenioque acri, flumine et eloquii.  
Seu Synodo dictet leges et jura ministris :  
    O factum dignum saccula quod celebrent !  
Sive Illum teneat sapientis cura palaestrae,  
    Ut docti juvenes sint magis atque magis.  
Quid referam pueros quanto amplectetur amore,  
    Rebus in angustis quos labor artis alit ?  
Hos elementa scholis nocturnis discere prima,  
    Ingredi et eximiae vult pietatis iter.  
Cur ego nunc igitur dubito vos mittere, versus,  
    Quum juvenes toto diligat ex animo ?  
Ite, ite : Oceani lux et quum surget ab undis,  
    Quâ, Satanam ut barathrum cogeret in Stygium.  
Aeternus Coelo Genitus demissus ab alto  
    Prodiit humanae Virginis e gremio.  
Dicite votivas me fundere pectore voces,  
    Illum ut divinus sospitet usque Pueri:  
Semper et ex omni faciat dein parte beatum,  
    Atque sit aerumnis usque remota domus.  
Hunc magis atque magis meritumque per ora virorum  
    Saeculum post longum gloria viva ferat.  
Dicite me cupere, ut, postquam Illum longa senectus  
    Imminuit, visat regna beata Poli.  
Illic nascentem Puerum tunc cernet; ab Illo  
    Oscula perpetuae pacis et accipiet.*